



Timingnut qaglijuummiqtakhaunngittut: Qanuq kajumiiqhimagiangani hiamittailigiame QALAGJUARNIGUT-19

Atauttimut, kajumiiqtittilaqaqqut hiamittittiniq haffumani Qalagjuarnigut COVID-19 taimaa ihumannaqtumik akhuurialik timikkut qaglijuummiqtakhaunngittunit tamainnut. Timikkut qaglijuummirniq ilitturnaqtuq ihuarijauullaqtuq ikivalliagiangani hiamittittinirnut aanniarniq hamna ilillaktilluni. Qilanaaqhimaittumik ikajuqatigiigluta, taimaa ikajuqhimainnaqtugut.

Qanuq timikkut qaglijuummiqtakhaunngittuq tukiqaqqa

Una tukiqaqtuq aallannguqtiqhimalgut hulivangnivit ubluq tamaat naiklinahuariangani qanilrukkut kahakhimaittumik ahinut, ilaliutaujuq:

- Inugiaktuniittukhaunngittutit katimajunulluuniit
- Haluuqtakhaunngittut, imaatut algangnut kahakhimaittumik
- Naiklihimalgut aktuqhimaittumik inungnut ingattaqhimalaaqtut (haffuminngatut, inirniujut inuit tahapkuallu aanniarnarilaaqtut)
- Ungahikhihimainnarlutit uvani 2 talikkut unghingnianut (2 miitarungnaqhijuq taimaa) ahinit, qautamaat

Hamnaujuq ilvit uuktuqhimmaalaaqtatit timikkut qaglijuummiqhimaaittumik:

- Haluurumaguvit ihainnaqhimalgutit algangnut kahakhimaittumik, kunikhimaittumik iqihimaittumigluuniit
- Aihimainnarlutit qautamaat, ilagilugillu nirjaqtuqhimaittumik hulilukaaqhimaittumiglu
- Niuviriaqtuinnarlutit atauhiq ublukhautainnaani
- Inugiakhijumik akhaluutiturniaruvit ikittuinnarnik atuqhimainnarlugit qilanaarnaittumik
- Qaritaujakkut katimainnaqhimalgutit
- Nutaqqat ulapqihimajukhat qaritaujakkurnigut hulijakhaanit





- Qaritaujaliqinirnik atuinnarlutit tuharviginahuarlugit ilannavit ilatillu

Pigiarniqqat,

- Niqinik agjaqtuijunut atuqhimalugit uuminngaluuniit qaritaujakkut niuvirlutit
- Qitulihaiqpaglutit timivit aimavingnit hilamiluuniit
- Aimavingnit havakhimalutit

Nalunaitkutaq: Ilangit inuit turaarviulaaqtangit Qalagjuarnigut COVID-19 takukhaunngitkaluaqhugu aanniaqarnahuginingit. Qanurilingagaangat humiliqaak timikkut qaglijuummiqtakhaunngittut ajurnaraluaqhuni, atuqhutik munaqhiqarvingmiunngittut kiinaqhiut uuminngaluuniit kiinavit pulahimagiami (haffuminngatut ,malrurnik qaliriiqhimajut hukangajumik hanahimajuq kalikuq, hanattiaqhimajuq pulahimattiariami qingavit qanivillu hilingngittumik, hukahimainnarlugu niaqurnut uvungaluuniit hiutingnut qiliqhimaluguatuqhimalutit) ikajuutauvluni aniqhaarnivit nuvat katakhamajut inuillu qaanganiitunilu hiani ilingnit. Taimaa nutqarniaqtutit ilvit kahangnaittumik qingavit qanivilluuniit, taimaa turaarnaittumik aanniarut timingnut.

Nalunaitkutaq: Una Kanata Kavamarjuangit pilimmakhaqhimajut Qilanaarnigut Malikhimajakhaat maligautaanit *Avaliihimajukhaq Maligaq*. Una maligaq tukiqaqhuni munattiarangani tamainnut itirahuaqtut Kanatamut tingmiakkut, qarjukkut, nunakkulluuniit aihimainnaqtukhat 14 nit ublunganit hiamittailigiami Qalagjuarnigut COVID-19. Una 14-Ublunganit ikaarningit aullaqtittijuq itiruvit Kanatamut.

- Aullaqhimagaluaruvit aanniaqarnahugiqanngitkaluaqtutit, pigiaqaqtutit avalinngaaqhimajukhaujutit. (inmikkut-avaliinngaaqhimajukhaq).
- Aullaqhimagaluaruvit aanniaqarniruvit, pigiaqaqtutit avalinngaaqhimajukhaujutit.

Naunattiariami haffumani qalagjuarnigut mikhaagut: Canada.ca/coronavirus 1-833-784-4397

ID 04-13-01 / DATE 2020.06.01